

國  
朝  
詞  
綜  
補

國朝詞綜補卷四十三

無錫丁紹儀杏船輯

陳壽熊

二首

丁彥和

三首

楊錦雯

一首

嚴廷斌

三首

楊鑛

一首

仲湘

二首  
補詞

程庭鷺

二首  
補詞

裴鏞

一首

王壽

七首

蔣承訓

一首  
補詞

蔣承志

一首

顧震

一首

黃衡

一首

許賡皞

九首

楊廷鉞

一首

蔣志凝

一首  
補詞

徐徵熊

一首

姚前枚

一首

汪鼎

一首

王有儀

一首

吳新銘

一首

王友光

三首  
補詞

王士鐸

一首

繆長慶

一首

吳慕韶

一首

賀鳴謙

一首

秦潢

一首

汪正鑒

一首

王慶瑚

一首

朱文蔚

一首

陳壽熊

字子松震澤人諸生咸豐十年督團勇禦賊陣亡有瑞芝閣詞題楊利叔象濟燕山匹馬圖

摸魚兒

倚征鞍漫漫風雪仰看一雁飛度男兒墮地無南北眼

底家山何處吟短句有慷慨嘉州特著幽并語華年易  
悞顧鏡裏鬚髯閒中髀肉也待捉鞭去 班生筆幾費  
傭書朝暮誰憐意氣如許吳根越角遊蹤隘便擬風塵  
馳騫休自苦看戎馬書生幾箇堪千古糟邱萬戶斂磨  
盾文章射雕身手痛飲對歌舞

金縷曲

次韻和黃研北丈招飲之作

投老歸林野有家傳涪翁秀句無虛名下絕妙機絲閒  
組織猶似天孫初嫁待看取鴛鴦偷畫豪宕蘇辛無處  
使向蟻封若箇能盤馬那復索翠箋寫 祇應來附香  
山社賦閒居年過三十鬢蕭蕭也冷醉不愁當火令況

有篁中風榭雲澹澹月圓良夜莫道此中誰可飲算此  
中不飲胡爲者襲天樂鮮冬夏

丁彥和

字暢之無錫人監生  
咸豐十年城陷殉難

清平樂

小窗鶯語似說春將去雲節颺輪無覓處但見一庭紅  
雨杜鵑何事頻催韶年一去難追留得餘芳數點還  
憑燕子銜來

更漏子

露初凝風漸起月到碧天如洗深夜夢少年心沈吟誤  
到今秋將盡愁難整更被笛聲勾引千重水萬重山

征人何日還

鳳凰臺上憶吹簫

晚霞

宿雨開晴斜陽做暝雲衢乍斂青虹看非煙非霧一片  
萋萋鳳吹悠揚何處餘音嫋如隔牆東早飛盡寒江孤  
鷺野戍歸鴻無窮詩情畫意恍天女綃衣吹落隨風  
更瓊觴堪酌光泛杯濃掩映丹崖綠水縱好手描繪難  
工奈轉眼繁華夢醒金碧都空

楊錦雯

字網士錢塘人諸生咸豐  
十一年杭州城陷殉難

金縷曲

魏孫伯廣文手札成冊出示爲倚此解貞  
阮燕伯廣文手札成冊出示爲倚此解貞  
愁解組後僑寓金陵歲癸丑逆賊陷城投  
水自盡

字裏龍蛇縮憶將軍酣磨盾鼻運來神腕曾到西湖留  
鴻印結得詩朋酒伴奈回首天涯人遠燕領班超空投  
筆看英詞寫入魚箋滿薇露淨啓時盟 功成久隱平  
泉館又誰知星芒夜隕故交腸斷當日竹林傳佳話乞  
向風流大阮把瑤冊新裝鵝絹浩劫金陵銷塵土賸千  
年不朽閒書卷真墨寶永珍玩

嚴廷棧

字子壽丹徒人諸生有樗寮詞  
咸豐十年避亂常熟城陷殉難

菩薩蠻

琤琮簷鐵西風緊重重簾幙垂垂影何事暗心驚寒笳  
鳴咽聲 黃昏吹細雨點滴如人語獨自對涼缸燈花

開不雙

臺城路

葡萄

廊西一架秋雲軟  
瑤臺寶珠初綻  
密綴龍鬚斜穿馬乳  
顆顆風前微顫  
柔條漫綰正鸞影輕分  
麝香吹滿纖手  
頻探盈盈葉底  
悄難見  
蟲娘深夜催倦  
月華涼似水  
人在庭院嫩綠蓮新  
褪紅菱脆好配瓜筵  
同薦金刀試  
翦更釀出新  
酴色香尤倩  
倘補溫圖碧痕應細染

永遇樂

蘆花

別借霜清暈  
疑霧薄慣占秋信  
鷗夢同圓  
鷺盟重記  
鴻迹還相認  
伊人何處蒼茫野水  
點綴斜陽詩境最無聊



蕭蕭瑟瑟偏惹夜深孤聽  
誰憑脆管潛吹冷浪蟹鉗  
寒燈遙映衲補殘雲鞋拖軟雪又道西風緊釣絲頭白  
幾叢蓑笠添箇輕輕小艇訝前番紙閣垂簾輕彈絮影

楊 鎰 字鐵士

點絳脣 題斜倚熏籠圖

香燼燈殘枕邊閒煞巫雲夢鴛衾誰共只索和衣擁  
倚定筠籠生怕春寒中霜威重隔條窗縫梅萼偏禁凍

仲 湘

字子湘吳江人諸  
生有宜雅堂詞

點絳脣

汪又村屬題柳如是妝鏡柳未歸錢時居  
吾鄉歸家院見鰕蛄

影事分明那時常與嬋娟見一腔幽怨忍對尚書面

舊日妝樓回首應留戀歸家院  
薜蘿青斷月牘圓宵半

揚州慢

題徐雪廬丈紅橋感舊詩冊

早倦風懷旋催星鬢墜歡直恁迢迢只尋春舊夢尚宛  
轉紅橋憶當日歌頭酒尾幾番題扇幾度聽簫算二分  
明月淒迷曾照魂銷十年再過牘橋邊紅藥花嬌奈  
酒客凋零詞人潦倒同賦無聊莫話杜郎游賞青樓外  
樹已蕭騷況樓中人影何堪重認香綃

程庭鷺

字序伯嘉定人諸生

昭君怨

題江山劉玉叔紫藤花館詞兼懷令兄柳生時客京邸

就屋紅梅閣畔譜曲紫藤花館客裏倍思鄉望江郎

幾度簫脩月底年少綺懷如水聽雨又傷離雁書稀

金縷曲

贈妓葛九

廿四橋頭步怪東風等閒吹過良宵十五重向十三樓  
上望漫掩四圍朱戶欠好夢十年一度數徧巫山峰六  
六第三峰留作行雲路雙星照七襄渡 三三徑裏三  
生譜倚花前闌干六曲三絃低訴彈到六幺花十八一  
半魂銷色舞添一縷謝娘眉嫵卅六鴛鴦周四角更二  
分明月三更鼓且莫把四愁賦

裴

鏞

字迪君句  
容人諸生

春風嫋娜

送春

底今年春事忒煞匆匆金帶解玉盤空倚珠簾對此落花庭院欲言無語暗皺眉峰紫燕歸遲黃鶯啼老酒不澆愁愁更濃別緒絲絲柳搖綠閒情種種水流紅花信連番數徧低徊思憶撩人處總是春風憎春好釀春慵頓將韶景催去無蹤無可奈何人閒天上記曾相識關角樓東今年去了問明年今日多情再見可肯從容

王

壽

字鶴汀甘泉人有綰綠詞

憶王孫

蝶倦蜂酣春意透簾捲處綠肥紅瘦去年今日是清明奈又到清明候花前幾度思量又還記得管絃同奏

晚風只解送春歸但不送雲歸岫

木蘭花慢

游絲

向晴空繞遍問誰解此情賒又暗引新煙低縈墜絮閒  
冒飛花流光半歸逝水渺予懷一縷夕陽斜聞道花風  
廿四不知吹落誰家浮生如繫亦堪嗟漫說隱煙霞  
便約住雲心牽來雨意都隔窗紗愁痕做成髻影早飄  
零依約感霜華還惹風塵倦客思歸目斷天涯

高陽臺

答

幾點斜侵幾番雨潤閒階綠意纏綿襯著香茵柴門深  
閉花前問春歸去春誰買欲買春選其榆錢記同岑一

片幽情疑雨疑煙 無心蝕盡殘碑篆但疏疏密密到  
處堪憐爲語游蹤休教屐齒輕沾柳綿似有溫存意儘  
遲回低護青氍看縱橫纔接荒城又過斜川

洞仙歌

題汪冬巢歲寒觴詠圖

熒熒樺燭搖破珊瑚色照徹當筵幾狂客對沈沈酒琖  
款款詩筒算只有冉冉年華堪惜 悲歡真一瞬印雪  
鱗鴻還向梅花間消息去日那重來臘甕全消也贏得  
詩篇狼籍便朔風斷送惠風清且與子綢繆醉歌今夕

齊天樂

秋海棠

西風也會傳花信無端喚醒春睡情不能勝嬌如欲語

添了一番秋思心灰蠟淚看露洗零脂影翻涼翠月墜  
空廊畫闌誰更夜深倚 闌邊儘多幽怨早蟋蟀催人  
素紈捐棄草暗螢沈苔荒蝶倦莫問芙蓉開未瑤華漫  
寄把青女離魂一絲絲繫怕過東牆那人初病起

洞仙歌

秋燕

呢喃惜別過斜陽庭院不似春前語聲軟漸紅襟瘦了  
欲舞還慵尋不著舊夢梨雲一片 鄉愁空自切客久  
關心未免天涯故人戀安穩畫梁深擬待明年留一半  
新雛分占正去住依依互商量早幾陣飛來送行賓雁

掃花遊

夕陽

畫闌乍凭歎日斷天空傷心惟此暮山漸紫但飛鴉過  
處半留眉翠冷豔無情尚倚殘紅鬪綺渺無際竟消盡  
古今都付雲水 回首歌舞地問漢苑秦陵廢臺荒壘  
舊時旖旎額黃病影在蒼茫裏不照繁華只把淒迷  
照起正搖曳破烟痕素蟾窺未

蔣承訓

字澹人  
長洲人

洞仙歌

吟魂正倦又桐陰風峭隔幕吹寒夢初覺甚田荒玉碎  
人去山空今日裏還有白雲飛到 瓊簫憑擬徧不是  
多情總是淒涼感懷抱莫更倚高樓只恐天涯芳草短



紅心漸老算那處能消許多愁但麝墨鸞牋伴君長好

蔣承志

字約人吳縣人諸生

高陽臺

沈閨生每借鬚詞以寄愁思彙爲小臨邛琴弄爲題是解

葉葉流丹花花刻翠好春都在吟邊雨嬾風愁笛聲吹  
度華年同心盒貯相思子寫柔情灑徧濤箋最淒然碧  
館紅樓淺醉閒眠烏絲細劃琉璃琯記瓊宮夜約催  
賦游仙夢裏歡濃曉鶯啼到窗前悄無人倚闌干角任  
香魂飛破蘭煙早涼天燕怯蛩淒替訴纏綿

顧震

字蒼竹吳縣人

徵招

贈沈閨生

從頭閒數青雲客年時幾人同調吹徹玉簫寒算閒愁  
難掃春風無限好忍荒卻謝池芳草悄拍紅牙閒調綠  
綺廣陵今杳孤調向誰彈單衫冷難免野鷗閒笑憶  
昔也沿門把琵琶斜抱苦吟容易老況淒對暗燈窗小  
定何日跨鶴長松倚白雲清嘯

黃

衡

字蘅皋歙縣人  
有碧雲秋露詞

如夢令

滿院濃陰似霧一線斜陽欲暮乳燕宿雕梁不管亂紅  
飄去飄去還使東風吹聚

許廣偉

字克孳甯甯人諸  
生有蘿月山館詞

清平樂

枕根鳴咽又是愁時節  
疾雨飛沙風獵獵亂捲一庭梧  
葉開窗淡月微明牆陰只有蟲鳴知  
是今宵無寐不如飽聽秋聲

菩薩蠻

垂楊幾處鳴鶉鴝  
蘼蕪滿院薰蝴蝶  
時節未清明  
今年寒較輕  
江南芳草綠  
憶煞人如玉  
無奈養花天  
一春愁似煙

蝶戀花

悶掩蘭窗消永晝  
小小蠟彎綠得愁痕皺  
人在子規聲

裏渡落花幾點春寒驟  
坐擁博山薰翠袖燕姁鶯嬌  
不管儂僂僂拍斷闌干吟未就鸚哥驚醒將人咒

憶少年

一城風雨一繩涼雁一聲畫角扁舟歸去也又吳江楓  
落舊遊花月都非昨憶簫聲綠楊城郭尊前別時語  
怪鸚哥偷學

卜算子

新燕

門巷尚依稀滿地芹泥潤舊夢盧家記不真飛向簾櫳  
認花影掠紅襟已是黃昏近不見樓前翠袖人樓外  
紅成陣

西子妝

十二月望夜

風鍊霜華煙凝星影醉後酒襟寒淺夜深猶共凭危闌  
悵蒼涼舊時庭館圓蟾又滿問一歲團圓幾徧算今年  
儘者番閱了明年再看羅浮遠野鶴飛還寂寞關山  
怨尊前纔聽話將離奈青氍毹更教人戀吹殘翠管怕回  
首春煙消黯且圓鑪重夢梅花未晚

齊天樂

題雲鵲娘傳後

蘆笙吹綠珠崖草人來鬼門秋暮洞雨飛符林雲合陣  
兒女英雄如許天魔罷舞悵破碎中原幾聲杜宇一隊  
天姬月明蹋臂緩歌去翩翩書記老矣歎功名事業

無分銅柱赤雅編書黃衫說劍酒畔愁聽蠻鼓沈湘萬  
古只粉黛當年也歸塵土彈斷冰絃海空聞雁語

玉山枕

向晚樓閣悵門外東風惡憑闌立久垂簾睡後芳草庭  
前夜半寒作鷓鴣啼罷一燈昏料春夢雨聲都攔問天  
涯多少斜陽最牽情是垂楊城郭昔曾遊處應如昨  
奈愁事偏思著二分別恨三分酒思依舊年年幾度花  
落不堪金縷唱江南總孤負燕期鶯約更何時吹徹瓊  
簫使道遙跨揚州孤鶴

金盞子

古道垂楊漸閱人多矣無條堪折多少未歸人甚雁足  
都沈水天空濶夜來夢到天涯訴相思千疊須記取年  
時故園江上幾聲啼鴂愁絕夢都絕誰共我春流擊  
畫楫揚州杜郎又老城南路重來已是綠葉那堪葉舞  
愁紅更斜陽城闕寒笳起惟有數點歸雅遙趁涼月

楊廷鉞

字雅南建安人諸生

揚州慢

菱角井觀殘荷復登貞元閣偕許克寧表丈聯句

山翠凝煙水陰留暝繞城一道青青

克寧

正涼飈過處又

古樹蟬鳴

雅南

問誰是溪山舊主廢荷衰柳都怨飄零

克寧

只蘆邊鷗鷺驚飛漁唱遙汀

雅南

冶遊暮矣更危闌傑

閣閒憑克

好共折荷筍并華細吸聊解餘醒雅南看取年

時殘墨重牽我夢逐浮萍

克

悵疏鐘煙外聲聲敲破松

扁雅

蔣志凝

字潛懷元和人諳生有心白日齋詞

疏影

辛丑春初白沙旅廨購置水仙數盆趙良甫有詞余亦譜此

盈盈脈脈伴玉沙瑤草風景幽絕紙閣晴初  
几鐙初相看分外瑩潔天寒袖薄禁持慣悄換卻銖衣重疊便  
賦成翠羽明璫素抱有誰能說移向西湖供養鏡波  
試照影都是冰雪悵望湘娥杜若汀洲歲晚芳華消歇  
還愁海上琴心杳墮冷夢空江煙月算似伊羅襪無塵



那識豔陽蜂蝶

徐徵熊

字笠溪

人

摸魚子

秦補茵兄以所著微雲山館詞見示題此奉贈

數詞場君眞健者才名不讓青兕天涯頻作依劉客十  
載羈樓燕市酬壯志更雁塞龍荒遠度三千里漫揮悲  
涕儘鐵板高歌銀箏低按難鬱是奇氣新聲好共羨  
微雲家世寄懷恍在天際朱闌易朽紅牆阻語盡相思  
情味無限意試付與紅紅點拍尊前記襟塵浣未看北  
地臙脂南朝金粉都入彩毫裏

姚前枚

字篆人  
金山人

高陽臺 贈張嶺峰

萬葉離書千花繞管東南壇坫稱雄小隱仙山光陰都  
付吟筇幾人解唱珍珠曲祇江南三影郎中展郵筒一  
片詩逋慙煞吳儂笑余西抹東塗慣只風丁未辨咄  
咄書空會記年時玉梅花下相逢尊前快覩驚人句正  
山堂絳蠟搖紅帳臨風自譜宮商寄與絲桐

江

鼎

字禹九  
山陰人

采桑子

寄友

年年長逐龍舟戲霧鬢雲鬟羅襪弓彎無數樓臺畫出  
難今年又逐龍舟戲依舊青山暗換朱顏莫道相逢

是等閒

王有儀

字梧岡福建永福人諸生

西江月

經當塗太白墓

牛渚磯邊縱酒大羅天上騎鯨一丸明月太孤清不見  
錦袍人影蘆筆年年花粲墓門歲歲山青長庚終古  
耿星精一醉猶然未醒

吳新銘

字沐盦陽湖人諸生

百字令

並頭蓮

偎紅倚翠怪天工幻就淩波雙影水佩風裳歡夢好同  
領曲池清景兩兩相依盈盈交倚鵲露休頻警煩他翠

蓋宵來珠顆擎穩  
幾許等藕尋蓮三生佳約聚散如蓬梗照水鴛鴦三十六爭擬花宮交頸憑趁薰風剛逢長晝爲祝團圓永卻憐拳鴛伶俜獨立誰省

王友光

字梅客江蘇華亭人諸生

行香子

新柳

長短亭邊歌舞筵前眼初舒情便纏綿高遮樓閣低護鞦韆儘一絲風一絲雨一絲煙鶯正堪眠花正爭妍問風流可似當年夢中腰瘦鏡裏眉纖早有人妒有人恨有人憐

金縷曲

姚丈子壽以送春感興詞索和次韻奉呈

吾退求諸野任雲霄翥翥翔鳳高高下下知否河汾文  
中子謾詫田畊不嫁道蛇足怎堪添畫萬里超騰當年  
事甚呼牛未已還呼馬惟好句競傳寫閒吟曾入高  
陽社幸能窺紫芝眉宇又何求也但恨青春堂堂去轉  
眼秋風臺榭那不憶峽猿啼夜鷗鴂一鳴羣芳歇問東  
皇誰惱靈均者仰天笑且迎夏

又 弔湯雨生副戎殉難江甯

臣本心如水餘聲聲秦淮淒咽陣雲同墜虎踞龍蟠形  
勝在借箸偏教吐棄儘灞上棘門兒戲雲地江東如破  
竹道乘軒有鶴南飛矣公等且自爲計水仙廿載傳

琴意問春風臺城新柳舊愁添幾不信花朝纔展眼卻  
看從容就義想叱咤雲濤歸騎高克翺翔難索解料三  
吳毅魄能陰庇恐復有養癰悔

王士禛

字笑山  
仁和人

國香慢

間張松溪歿倚此誌痛

客夢浮萍慣逐波來去泛影星星相逢異鄉差喜其慰  
飄零不道西風吹聚旋吹散容易愁生還期話今雨細  
酌芳卮同剪幽燭才人多命蹇恨未登瓊苑遽上瑤  
京月明遙夜猶記前度吹笙賸有一庭花影更無人閒  
訴悵情他年泛淮浦重過黃墟一片淒清

繆長慶

字以豐燕湖人諸生

齊天樂

游絲

薄寒簾幙芳春靜絲絲蕩來何處抽藕輪長攀楊遜弱  
裊裊煙痕交互閒庭日午正滿院花光不聞鶯語似有  
如無海棠香裏軟風度新晴天氣恰好爲誰羈屋角  
添怕蛛誤可許針穿難容機織空把飛紅牽住柔魂一  
縷更繞徧闌干逗人愁緒燕子捎殘乍拖還颺去

吳慕韶

字竹垞里居未詳

南歌子

簪鐵

韻比敲金徹音同戛玉清依人廡下漫相輕趁著好風

吹送一聲聲  
惹悶還銷悶  
無情似有情  
怕人沈睡不  
知醒  
獨自丁東  
浪擊到天明

賀鳴謙

字竹虛丹陽人諸生

更漏子

日痕遲人意倦慵  
把蝦鬚簾捲香霏雪  
玉成煙落花如夢  
天垂楊樹飛晴絮  
吹滿離亭別浦  
一點點一絲絲  
春情不自持

秦

潢

字夢懷金匱人

金縷曲

揚州懷古

惆悵離亭暮  
正揚州烟花三月  
亂紅如雨  
一自風流傳



小杜寥落青樓無主問薄倖幾人輕許豔說綠楊城郭  
好奈繞城吹徧濛濛絮猶道是斷魂處 畫船多半紅  
橋去有誰尋玉鉤遺塚迷樓牘土芍藥易殘鶯易老舊  
日瓊花在否只落得昏鴉幾樹算有垂楊堪寄託一行  
行慣認隋堤路幽恨曲倩誰譜

汪正鑒

字均之  
桐城人

滿庭芳

福州西禪寺有唐荔二株屬友人繪圖余  
倚聲紀之郵寄琴鳴索和

海國仙人羅襦猶昔對此重憶皇唐年年風露曾幾閱  
滄桑多少開元遺恨紅塵騎柱斷人腸堪惆悵驪宮何  
在猶唱荔枝香 難忘攜手處玉壺買笑瓊液同嘗便

麻來病齒倖煞君王爲問枝頭紅影何時也舞罷霓裳  
休回首樹猶如此空自怨漁陽

王慶瑞

字少山  
濟甯人

望海潮

戴君石坪善畫工詞出稿見示賦此奉贈

芙蓉映水薔薇浥露芸窗喜展新篇刻羽引商團香鑱  
雪風懷直這纏綿好句似珠穿正詞傳春柳名著簪年  
如此才華飄然合繼李青蓮而今白髮盈顛賸硯田  
一角苦守誰憐廿四橋邊十三樓底歡游曾擬樊川回  
首悵悵然且指揮風月驅遣雲煙剡曲相尋舊時高韻  
畫應傳

朱文蔚

字則園無錫人諸生

金縷曲

辛丑夏薄游秦隴時秦補茵兄亦有青齊之行今相晤都門展讀新詞賦此繼聲

身世渾如寄歎吾儕不隨蓬轉便同匏繫東望大行西  
華嶽隔斷雲山千里倏相聚軟紅塵裏一卷新詞貽我  
讀訝修成簫譜何清麗合付與小紅記年來諳盡風  
塵味恁無端傷春傷別頻彈清淚傲骨稜稜難媚俗羞  
向侯門投刺問青眼世閒有幾縱把唾壺敲欲缺料元  
龍未減長虹氣重按拍曼聲倚

國朝詞綜補卷四十三

國朝詞綜補卷四十四

無錫丁紹儀杏船詞

孫廷鑑

補詞一首

儲憲良

補詞一首

周聽鈞

補詞一首

張共英

補詞三首

蔡蘅香

二首

蔡偁

六首

閻邨陞

二首

葉元璧

補詞二首

葉九苞

補詞二首

項廷紀

二首

王竑

一首

沈淮

一首

厲志

一首

汪錫珪

一首

汪福辰

一首

孫麟趾

十四首

潘璘 一首

馬鍾彥 一首

錢符祚 補詞 一首

沈曰富 一首

倪淵 補詞 一首

張鴻基 四首

李芳 一首

許鴻慶 一首

韓生寶 二首

程春毓 一首

羅璫 一首

陳淵泰 一首

史一經 一首

黃至棠 一首

袁密 一首

戈成傑 一首

陳幹 一首

孫廷錄

字竹康陽湖人  
監生有釀春詞

長亭怨慢

客舟聽雨

已望斷天涯歸路一棹蒼茫溼雲堆樹黯黯淒涼客魂  
消盡待誰訴卸帆無計便夢去家何處況是夢難成只  
獨自挑燈酸楚無緒任孤篷滴碎悔煞年華輕誤銀  
屏拋卻又悄向荻花荒渚把一半送入寒潮漸聽到數  
聲柔櫓縱霽色重開能減鄉愁幾許

儲憲良

字麗江荆溪人諸  
生有安素軒詞

夜行船

春盡

幾日東風飛絮趁暗星星點他愁鬢好夢何曾繁華漸  
歇又是一年春盡客裏心情誰與問怕明鏡對人瘦

損杜宇催歸提壺勸飲不是近來方寸

又 送秦雪舫之吳門

到眼花期纔過幾換天涯綠悵悵地今雨飄零闌春放  
坊都說別時容易 我是愁中兼病裏好煙月甚時料  
埋苑老苔荒憑君過訪尙有治遊人未

周聽鈞

字樂仲  
上元人

齊天樂

題二十四簾春影樓圖

荼蘼低繞紅樓小重簾影搖花霧葉釀成陰英飛送酒  
依約煙籠疏雨番風細數算纔過春初又將春暮四面  
湘紋屏山六扇儘深護 扁舟載伊去矣問春留底事羅

怕誰與夢怯寒輕愁縈香軟共倚闌干低語吹簫伴侶  
帳金屋安排玉人何處寂寞紅橋二分明月路

張其英

字璋公天門人  
諸生有角山詞

蘇幕遮

春草

颺絲天飛絮日雨後芊芊一抹晴煙織千里關山勞目  
極塞北江南處處傷心碧籠堤平鋪徑密換卻燒痕  
染盡青青汁無那王孫征轡疾怨入東風日暮長亭笛  
百字令

題葉芳洲柳陰垂釣圖

平湖煙暖傍綠楊陰裏維舟且住一夜三篙新水漲沒  
了鷺汀鷗嶼竿攔船昏絮黏篷背酒美魚堪煮科頭跌



坐凝眸山色如許 當日西塞山前吾家釣叟舊繫扁  
舟處流水桃花人去後空負斜風細雨畫裏煙波君何  
爲者欲狎垂綸侶樵青借我海邊同釣鼈去

又襄陽覽古

江山百戰贖萋萋芳草壘荒戍古西走關中東下鄂形  
勝中原門戶黛擁螺青波浮鴨綠城郭春如故大堤西  
畔夕陽征棹重駐 當年裘帶風流殘碑一片寂寞知  
何處人世幾回傷心事愁聽聲聲杜宇耆舊凋零春秋  
代謝遺傳憑誰補香醪堪買一樽聊慰行旅

蔡蘅香

名未詳  
監利人

采桑子

別黃樓弟

廿年身世常爲客，早歲湘南。今歲荆南。人比寒蟲更可憐。  
者番送爾難爲別，風雪江邊。煙水湖邊。十萬楓林色盡寒。

永遇樂

旅感同黃樓弟作

燈火空江，蕭條野渡，篷腳才偃。修劒凌天，征袍照雪，大羽腰間箭蝟。角浮名蠅頭微利，那值英雄一盼。且同我，萬山高處，暫放千秋雙眼。  
關河蒼莽，風霜淒厲，倒卷哀鴻離雁。贏得才華，吾家兄弟，各有雙龍怨。萬疊寒雲漫江落葉，相伴征人同返。恐亭角凍僵梅萼，未開一半。

蔡

偁

字季舉監利人有黃樓詞

南鄉子

江上守風

雪虐并霜鬢一夕霜風震怒號多少淒迷今夜客刁騷  
頭白篝燈旅夢勞蘆荻捲蕭蕭雁起平沙黑月高江  
水聲聲嗚咽說前朝流盡英雄淚不消

定風波

生就盈盈掌上珠更無郎伴小姑居間訊芳齡今幾許  
細數嚮嚮眉子破瓜初家在十三樓畔住歸去神仙  
黃鶴借何如天下傷心何處訴歧路才人廝養最憐渠

小重山

望武昌南北兩湖

鏡明兩水漾長空哀音傳噫噫響初鴻寒潮打沒楚王  
宮洪山塔微露影玲瓏霜染棗林紅蘆花飛作雪白  
濛濛江城金碧罨千重人煙外橘柚夕陽中

憶舊遊

九日

問明年誰健淒涼此語動我離憂人說家園好甚蹉跎  
佳節嬾上層樓也似前番陰雨如夢過中秋獨悄立閒  
階人遭花笑花替人愁凝眸渺何際尙苦憶窮思舊  
日朋遊江漢高吟夜呼衆山蒼響明月當頭人生幾行  
樂耳電露幻浮漚賸和我閒詞吟蟹諷雁酬未休

長亭怨慢

旅舍聞雁次吳穀人寒鴉韻

誰憐取天涯倦羽落葉經秋落花辭樹來雁多情聲聲  
催送打窗雨楚山秋冷且莫向衡陽去縱爲稻梁謀何  
苦被雞臆猜妒暫住正天遠人遠水驛山郵無數身  
非鳳翼便飛到冥冥何處可曾遇湘水孤舟謂張角山煩傳  
語黃州羈旅想輾轉終宵一樣紋窗難曙

沁園春

關干

曲曲巒巒深院迴廊界來儘寬恁燈光人影望中偏好  
歌場酒地隨處宜安相對相當一回一互亞字玲瓏卅  
字環閒無事憶幾番倚暖風又吹寒有時影逼牆閒  
惹蜂蝶頻穿百計難倘玉人微醉儘伊扶靠嬌花欲睡

全仗遮欄裙衩零星簾紋隱約百折千回總耐看憑墓  
畫是六朝金粉二月湖山

閻邨陞

字端弓上海人有澡景山房詞

清平樂

碧天無際山水都清麗徙倚闌干風細細折過桐陰小  
慙風吹陣陣香來木蘭金粟爭開報道新醅初熟須  
教日日銜杯

葉元璧

字小圃慈溪人

臺城路

同人分和陳春權寸魚園十詠賦得淩虛臺

畫臺插漢高何極臨來下疑無地檻曲虹垂檐虛霞構

天影淡交金翠春深羅綺護弱柳纖花東風偷避歌舞  
飛仙更還知否有塵世 關干徙倚望遠亂峰千疊並  
都是雲氣暝靄青浮夕陽紅射點點雁痕明字吟魂蕩  
未定醉倒瓊船相邀月姊平楚蒼茫萬聲何處起

翠樓吟

簾痕

薤葉含煙桃枝凝露瀟湘隱隱風展水絲縈碎樣誤酒  
夢那回偷薦紗幮人倦慣印入蕉衫鱗漪深淺明嬌腕  
膩霞縷縷碧紋微斷 宛轉滑沁銀泥憶帶香徐卷一  
層層泣玉花誰遠贈恰雨過秋深難辨舞沈歌散向藤  
綠陰中背人尋徧空愁看夜涼如水月華鋪滿

葉孔苞

字鵬卿  
慈溪人

翠樓吟

簞痕

色泣琉璃光欺琥珀湘筠霞點微褪午眠香汗漬洗不  
盡零脂臘粉雀翹敲枕訝似雪柔肌絲絲紅印低徊認  
舊時顏色可堪重省容畝者樣誰遺更棋殘曲院壺  
傾梨醞燕支花露沁約蟾魄碧紗幮潤夢餘芳信只清  
淚拋珠溼凝愁暈憑誰問翠衾深護幾分餘恨

金縷曲

題姚野橋疎影樓詞

小謫蓬萊島間珊珊瓊姿玉骨幾生修到悄抬紅牙三  
弄笛喚醒春魂多少又贏得韻清格老疎影樓頭涼月



白莽東風吹徹江南調和翠羽一雙鳥  
天涯如夢尋芳草漫無端鏡花泥絮暗紫幽抱酒尾鐙唇愁棖觸仙  
夢羅浮杳渺更譜入暗香新稿落拓青衫吾亦爾儘輸  
君情昵紅兒小只綺恨寸腸繞

項廷紀

字憶雲  
嘉興人

柳梢青  
題疎影詞

樓倚晴霞幾生脩到紅袖烏紗東閣詩清西湖夢冷福  
慧輸他雙心同證梅花更不數尋常畫家淡墨水綃  
黃昏月榭一樣橫斜

王

堃

字芋畱  
鎮海人

疎影 題疎影詞

前身皓月墮瑯嬛福地流水今日志潔神寒冰雪聰明  
還教瑣玉爲骨清修得到梅花好把幾卷新詞傳出試  
看他雲閣留題疏影暗香飄逸 不愧才名蔣史更相  
逢識曲黃九秦七棹唱蘋根門掩梨花琴趣畫邊清越  
明鐙夜翦簫聲靜是石帚家常生活且莫須重賭黃河  
早有雙鬟偷舌

沈

淮

字雲亭  
崑山人

憶舊遊

題姚梅伯稿

定冰裁梅骨露濯蕉心款語能工多少春歸去惹三生

杜牧怨綠愁紅筆底恨絲千縷糾結到東風想舊日吟  
情一簫雙髻那處簾櫳 匆匆漫回首算江上雲痕都  
是愁蹤莫誤雙飛燕說春遙如夢夢裏還逢欲把一襟  
幽思共度與歸鴻正夜雨冥冥畫橋隔水燈影通

厲

志

字白華鎮海人諸生

金縷曲

賦湖堤新栽楊柳

已覺春如許驀樓頭天涯望眼被伊遮住雪鷺經過渾  
不見但見綠濃似霧恰閃出紅牆琳宇一樣褰腰芳草  
岸怪纖腰愛作迎人舞驚翠鳥掠煙去 漫來行客增  
離緒訝江南舊時愁樣幾時分取怯向清波看鬢影忽

又撲來飛絮只贏得零星攢聚暫約東皇重款款貫村  
醪細共斜陽語鎮搖颺萬千縷

汪錫珪

字筱澗  
吳縣人

浪淘沙

和鑑齋第兩夜有懷申江之作

潮落湧平灘同泛江船征帆不等月重圓心事而今無  
可說說也心酸行路此時難江上風寒瀟瀟苦雨滴  
簷端畫角一聲催入夢夢隔雲山

汪福辰

字芷塘吳縣人  
諸生有春水詞

八聲甘州

秋日泛舟虎阜感憶舊遊

又飄然一棹趁西風無聊事清遊傍蕭疎衰柳蒼茫斷

港是處尋秋見說吹簫人去怕倚水邊樓賸有淒涼月  
還照樓頭記共嬉春俊侶向花前顧曲鐙畔藏鉤悔  
頻年飄泊踪跡等浮鷗漸消磨當年意興歎此來不似  
舊風流閒憑眺聽蕭蕭響落葉飄愁

孫麟趾

字月坡長洲人  
諸生有零珠詞

浣溪紗

楊柳梢頭綠意新  
懶游容易負芳辰  
溼煙滿地閉重門  
花信先愁連日雨  
春寒偏病獨眠人  
舊春猶在夢無痕

醉花陰

醉擁重衾慵覓句，悄把殘更數。日日說看花，到得花開，畢竟何曾去。無人庭院寒如許。聽滴殘階雨。夢裏儘閑游，昨夜秦淮，今夜閭門路。

洞仙歌

秋夜

疏林落落聽莎蛩，聲倦惆悵家鄉，比天遠正西風。掃徑薄袂生寒，偏夢見那日燈窗，刀翦。扇鑪將換矣，欲覓音書江上，而今斷魚雁。空院月如霜，隔著關河，有幾箇美人同看料。一樣慙慙，抱離愁，問羅帕啼痕是誰先滿。

又

蛩聲

西風幾日算涼蟬，先死誰料秋聲又如此。怪喁喁唧唧。

不去他家只隔著薄薄一層窗紙 無由尋舊夢待不  
聽伊被冷香銷病懣起訴盡萬千愁替汝酸心歎我亦  
遭愁無計莫翠袖閒時繞階行向尺五牆陰暗彈紅淚

蘇幕遮

絮吹香花弄影記得年時喚酒添幽興亞字闌干臨水  
凭寶扇珠鬟只在垂楊徑 夢難尋愁不定晝漏初長  
門掩斜街靜如此韶華如此病如此鶯聲隔著紗窗聽  
祝英臺近 題小荷校書畫蘭

露仙鬢垂翠珮澹澹寫春影似戀東風似怯暮雲冷幾  
曾粉本偷描偶然落筆已畫出美人心性 夜窗靜替

將殘黛輕研燈前動吟興一點柔香可許夢中贈便教  
金屋深藏猶嫌情薄怎飄泊也如萍梗

高陽臺

花影難留春痕易散未遑量珠之願徒增  
折柳之悲爰譜驪歌以存鴻跡

燕去巢空花飛蝶瘦畫堤不見游人只有斜陽淒涼還  
照閒門天涯孤客飄零慣恁傾城也逐風塵料而今倦  
掩犀帷病卻金尊明珠難續鴛鴦夢歎玉簫緣斷羅  
袂輕分聽說歸期更愁消息非真闌干那日同憑處可  
曾留一寸香痕最傷心如此湖山如此黃昏

長亭怨

別秦淮

歎十載白門閒住昨夜啼鵑又催儂去載了琴書暮雲



深處數聲櫓滿湖春水剛綠到東關路日日說歸鄉怎  
此際翻添淒楚 回顧算萍踪易散不及傍簾鸚鵡歌  
樓舞榭料別後無人題句恐夢魂重覓羅裙願牢記吹  
簫院宇有淺碧紗窗窗外桃花一樹

又 衰草

引離恨短長亭路此日王孫可曾歸去亂草吹煙好山  
難認舊眉嫵蝶飛鶯散餘幾簇黃沙護古徑雪初銷有  
鷹眼悄窺狐兔 淒楚料明妃小塚未必青青如故春  
痕點點怎禁得雨欺霜妬怪門外嘶斷驕驄卻添了牆  
陰蛩語只舊日羅裙還把殘香留住

又 衰柳

恁彈指春痕消盡便到章臺也難重認瘦不堪扶斷絲  
零落有誰問鈿車過了流水外紅窗靜記否叩開門被  
撲帽香綿偷引堪恨恨修眉嬾畫不似舊時風韻殘  
霜幾點怎吹上秋娘愁鬢無處覓燕翽鶯梭只賸得踏  
枝鴉影料長板橋邊一樣寒煙吹暝

南浦

送燕

纔過二分秋訝雕梁燕子辭儂先去無計可留伊西風  
裏餞汝一杯清露天涯別矣怎生忘得銜泥路還望明  
年仍到此看把舊巢重補當時花底爭飛儘調雛刷

羽閒將愁訴春夢恨難招斜陽瘦隻影也無描處淒涼  
院宇可憐誰伴孤雲住來日迴廊簾不捲離緒又添幾  
許

疏影 草痕

粘天不斷向溼煙影裏還襯花片長短亭邊如此青青  
怎被別離人見嬉游記否牆東路有蓮瓣印來深淺等  
甚時約賭金釵屈指冶春過半湖上驕驄嬾試幾番  
細雨後門外堆滿輕染空波穠接遙山慣惹夢魂零亂  
便教化作流螢去尙留得愁痕一點是謝娘舊日裙腰  
卻費暖風裁翦

又 抱愁欲病對影成癡偶學吟箋不知所指

江雲漏日恁溼泥滿地還阻游屐自笑年年彈缺歌魚  
費了錦箋吟筆愁苗一霎隨心長怕只怕愁多心窄痛  
素衣染徧啼紅又把鬢絲催白空向閒階伫立畫闌  
誰共倚一任塵積釀雪時光寒掩重門那有梅花消息  
迷香小洞鴛鴦夢派不到天涯孤客縱夜街許騁驕驄  
何處去偎瑤瑟

西子妝

送秦雪舫之豫章

帆影搖雲潮聲咽雨客裏暗添離緒櫻桃門巷送春天  
忍輕拋故園尊俎簾櫳日暮抱湘瑟拂絃愁誤倚危闌

料今宵魂夢相隨柔艣長亭路幾箇啼鵲幾簇無情  
樹看山此後共誰遊歎才人也如飛絮辭家最苦縱彈  
指歸歟便賦怕君歸我又扁舟遠去

潘

璘字棚屏  
金華人

琵琶仙

寒柳

悄立寒塘板橋外幾樹霜痕凝結如此瘦損腰肢無人  
解憐惜算只有斜陽熨處略相與溫存半歇一片愁青  
十分慘綠風景淒絕問當日張緒風流可曾記依依  
愛芳潔莫也被人攀折竟傷心難說縱不管樓臺冷落  
忍聽他到處拋撇轉眼春渡江城定知消息

馬鍾彥

字兩華  
長洲人

齊天樂

和孫月坡秦淮枯柳

板橋無限銷魂事，堪憐冷波荒岸。舊曲飄零，修眉慘淡，惟有情根難斷。韶華易換，算沒箇鴉棲，那來鶯囀。此後當筵少年，金縷有誰管。攜來妙詞滿紙，向紅闌指徧。煙水零亂，一角殘秋，幾絲瘦影，寫出六朝幽怨。芳情苦短，歎送盡行人，更添淒惋。小劫飛灰，怕將離別判。

錢符祚

字小南，宛平人。  
諸生，有戊巳詞。

疏影

簾波

春眠未起，被畫簾隔斷殘夢，猶膩一翦簾波。疏影搖花

巫雲悄度湘水冰絃自譜相思怨蕩萬縷千絲清淚算  
幾番欲託微詞可許借他通意人坐瑤臺霽月縠紋  
暗皺處鈎玉涵翠鏡頰生潮漾出愁痕寶篆爭如心細  
繁紅早已隨流去任不卷冷煙垂地看夜來燭畔盈盈  
卻喜眼波添媚

南浦 送燕索孫月波和

明知似客甚秋來先自別朱門休問心花眉柳容易散  
如雲喚醒畫梁殘夢徧天涯草草是勞人盼隔年重到  
綠絲牢繫再不放濃春軟語共商去住待留伊相與  
度黃昏底學江湖賓雁迎送太紛紛此去露寒霜重願

新巢更比舊巢溫又夕陽催暝眼前誰解暗銷魂

沈曰富

字南一嘉興人諸生

金縷曲

雨久獨坐陳梁叔以黃研北丈新詞見示訂暑中集飲次韻奉答

眾綠盈郊野最難堪黃梅時節雨浪浪下已是兼旬門  
不出閉置宛如新嫁但坐看漏痕成畫涼句飛來雙屬  
玉羨揮毫疾似追風馬清響答我心寫乍聞酒戒開  
蓮社但相逢布衣野老醉扶歸也幾度松風亭外望認  
得仙人樓榭愛高柳蟬聲近夜航兩三人溝丈八怕阿  
香來作

去聲

催詩者雲黑處正鳴夏

倪

淵

字半陶吳縣人有緣淨軒詞



天香

試茶

雨沁新香苔封嫩玉峯頭猶恁春淺側側餘寒遲遲長  
日不放一旗輕展攜籃試覓引多少盈盈結伴消息清  
明近也村歌乍聞山半南窗未舒午倦最繁懷碧雲  
千片閒領湖天風味素甕宜薦憑闌詩思漸澀賴吹入  
清芬興俱遠好屬樵青殷勤細辨

張鴻基

字儀祖號硯孫吳縣人有傳硯堂詞

藕幕遮

不寐

鏡鸞孤巢鳳梢悶展蘭衾抹水新寒峭悔向金猊添鵲  
腦沁骨香濃醉得愁人倒燭生花詩罷草數盡銀壺

捱到雞鳴了翻怪宵來眠太早祇怕眠遲又恨天難曉

百字令

蕭瑟年華蒼茫身世獨經斷橋見道旁楊柳殊有秋意慨念陳跡淒然久之

更無人處有秋痕一縷徐徐勾到歌管樓臺渾似夢燕  
子孤飛去了顯杏闌干額梅簾幙聲換啼鳩早柔腸斷  
矣陌頭零落芳草情盡拚卻今宵怪他流水還向橋  
邊繞西下夕陽東上月倒縮離愁多少舞袖誰翻畫船  
自繫不管蛾眉老湖陰起也幾家深掩門悄

摸魚兒

題程序伯秋雨填詞圖

甚秋聲半空吹斷一瓊聽虛閑擁沿堦已有梧桐樹何  
苦綠蕉還種燈影弄更刻骨尖風透入水簾縫酸吟誰

共有蘚鶯啼菴藥闌怨鶴同把五更送  
雙紅淚灑徧  
鬢箋無空詞人大抵情重年來我亦如平子百樣愁纏  
心孔名利夢怪唱徹黃河只有雙鬟懂東風暗動又塵  
踏槐街紅散烏帽春闌杏花宋

高陽臺

暝色鷗邊晴絲燕外一湖水抵愁寬風景全非那堪重  
倚闌干淩波想煞紅衣靚記當時帶笑同看好無端路  
遠三山夢遠長安  
勞踪自歎成蛇足奈匆匆客路復  
此停鞍題壁詩存更誰寫向冰紈銀缸照徹今宵影縱  
酣眠我愧陳搏謂少雨聲寒咫尺黃壚別樣心酸

李芳

字越塘  
豐縣人

摸魚兒

葉桐君學博攝篆吳江黃研北司馬囑其  
擬湘洲載菊以往繪圖徵詞依韻奉和

瘦西風淡人依舊直教形影相處淵明倘解移花好何  
必掛冠歸去搖健舫恰送酒人來惹得僊僊舞秋眞玉  
汝儘掃卻閒愁添將詩料那管冷蘊苦開三徑記石  
離筵絮語月明兩地延伫扁舟只欠西施網對飲後堂  
誰伍絲縷繡團扇吳中也抵黃金鑄者般逸趣有皮  
陸當年松陵唱和佳話試重譜

許鴻慶

字靜溪海  
甯人諸生

金盞倒垂蓮

題家克孳蘿月詞因有人在子規聲  
裏瘦句遂得許子規名

丁卯橋頭有吾宗才俊佳句如仙杜宇聲中人瘦落花  
天溯往昔桐花紅豆也應遜此清妍有井水處爭傳名  
重屯田 蘿陰一丸涼月儘倚然相對靜理湘絃雅韻  
泠泠玉潤更珠圓悵幾度秋風瑄璫青衫憔悴誰憐畫  
壁試賭賞音輸與嬋娟

韓生寶

生一作森字茶甫震澤人諸生

金縷曲

秋感

葉落梧桐矣鎮無聊一番疎雨文園病起風捲水晶簾  
半幅秋到白荷花裏憶舊日落花天氣兔走鳥飛無百  
日忽容顏換得癯如此鏡中影可憐耳 筆牀茶竈天

隨子署頭銜葦閒漁父蘆中窮士熱不因人心自定休  
管臣門如市也莫問浮瓜沈李手執團團明月扇聽鳴  
蟬高柳聲聲沸北窗下臥而已

百字令

題屈勿山大別豪吟圖

滔滔江漢想沈沙折戟戰爭多少今日山頭閒眺望且  
對青天長嘯夏口東瞻武昌西望只有風帆好賦詩橫  
槊阿瞞可有同調歎息搥鼓狂生登樓詞客一例埋  
秋草漫把傷時才子淚灑向亂峯斜照家住吳頭身遊  
楚尾千里關山道擲將吟卷有情天亦應老

程春毓

字赤霞長洲人諸生

燕山亭

春游次韓奕山韻

弄暝留寒欲雨又晴間是幾番風了柳漸舒眉桃尙含  
顰惟有流鶯知道走馬章臺算何處珠簾卷早應惱正  
望斷王孫愁看芳草試教扶醉長橋且消遣離懷共  
尊歡笑軟繡街衢淺綠池塘珍重一鞭斜照驀地傷心  
記此地夢中曾到怕鬢影鏡中催老

羅

璚

字玉曾  
仁和人

菩薩蠻

流螢數點窺簾影蛩聲漸逐蟾光冷脈脈轉銀河宵長  
人奈何蕭郎情味惡宛似羅衣薄畢竟薄羅衫猶能

偃夜寒

陳淵泰

字上之青浦人諸生

漁歌子

題茸城漁唱用張玉田詞韻

振笛誰歌一翦梅扣舷解和醉蓬萊休懊惱任徘徊定有珊瑚網得來

史一經

字研翁溧陽人

百字令

題史香厓全史官詞

四千餘載有幾多故國遺聞湮滅彤管丹書傳不盡付與稗官饒舌重碧苔荒胭脂井廢露冷金盤屑宮闈疑祕後來還復能說畢竟費盡搜羅千卿何事十萬瓊



箋裂邃古遐踪難究問采摭偏能甄別丞相低頭夫人  
斂衽讓爾心花結自今高唱任將如意敲缺

黃至棠

字芳谷  
甘泉人

摸魚兒

題陳雲伯大令秋雪漁莊圖

過西溪一灣淺水苔磯遙傍煙渚蘆花風颭斜陽渡觀  
出柴門清趣三徑路是陶令歸時手植垂楊處好山當  
戶見野浦呼鷗沙汀落雁人在畫中住堪羨是繞屋  
寒梅千樹羅浮舊曲閑譜生平往事休回憶曾負故園  
多許蠲俗慮且高臥東山絲竹更番補絳帷深護有閒  
字金釵添香紅袖來與話朝暮

袁

審

字宗山丹徒人諸生

點絳脣

題畫贈楊雪茅光祿

撒手歸來而今不受青山笑煙霞計較舊迹尋遊釣

樹繞扶疎那許紅塵到從吾好南窗寄傲花鳥皆詩料

戈成傑

字曉薇吳縣人諸生

昭君怨

垂柳絲絲徐曩風裏絮雲飛繞小雨溼闌干正春寒

朱戶沈沈深閉莫把紋簾鉤起簾外卽天涯況飛花

陳幹

滿江紅

題前定海令姚公履堂藍筆遺翰公因洋務殉難

斷楮零縑從棘院搜羅而得記昔日文星高射一枝藍  
筆轉瞬鯨鯢憑海島傷心鵝鵲沈沙磧歎甬江斗大聳  
孤城難摧敵 守何恃惟堅壁兵幾隊埋荒驛贖數行  
書在未曾磨滅十里濤翻羅刹紫千秋血沁蓑宏碧儘  
摩挲片紙愴忠魂堪歌泣

國朝詞綜補卷四十五

無錫丁紹儀杏舲輯

葛景萊

一首  
補詞

孫鏘鳴

一首  
補詞

潘曾瑩

七首  
補詞

吳艾生

一首

汪藻

六首

張金鏞

二首  
補詞

顧文彬

八首

王拯

六首

楊裕仁

一首

勒方錡

九首

潘曾綬

七首  
補詞

張曜孫

二首

陳松

一首

黃增祿

二首  
補詞

陳良玉

八首

葛景葵

字蓬山仁和人道光二十一年進士官銅仁知府匪亂殉節有蕉夢詞

祝英臺近

落花

背南枝辭北苑  
驀墜自高處委地無聲只合逐飛絮  
非關燕掠鶯捎也非春暮怪一霎亂紅如雨  
甚情緒從此蝶遠蜂稀寂寞竟誰顧  
芳草天涯何計覓歸路  
東風縱是多情可能宛轉再吹上舊時庭樹

月下笛

秋花用張玉田體

煙鎖籬根苔封石隙  
故園秋淨斜陽半冷翠妝猶自交  
映迴闌曲曲留殘夢恐一夜西風喚醒看荷珠颭露蘆  
綿繅雨碎紅啼凝暗證尋芳興只敗籜枯蘭尙依深

徑濃春豔景那堪回首重省縱教牋有情絲繞又誤了  
蜂媒燕倖但約畧月明時描出疎簾淡影

孫鏘鳴

字渠田瑞安人道光二十一年進士官侍讀學士有盤阿草堂詞

金縷曲

林君用霖於遂昌旅次得羅隱江東外紀殘書十則皆誌五代佚事刊以行世曠題簡首時江浙方遭淪陷故詞中及之

刼換千年矣更誰尋秋風禾黍婆留荒壘何幸零編收  
燭脫不共秦灰拋棄話約畧殘唐遺事逆旅空山愁寂  
冥喜文章異代聯知已宵柝盡讀難已東南保障今  
猶是聽臨平山外鼓鼙聲死裴僕楚娘忠俠骨試  
問眼中人幾怎得向行閒呼起卻愛抱雲雲壑近好商

量學把漁竿理掩書坐幾揮涕

潘曾瑩

字星齋吳縣人道光二十一年進士官工部侍郎有鸚鵡簾櫳詞

清平樂

聞蟬

一絲微裊爲問秋多少滿地綠陰涼意早教把斜陽遮  
了最宜雨後風前聲聲換得商絃記向紅橋載酒萬  
荷花裏停船

唐多令

柳

愁煞灞橋人斜陽送客頻翠絲絲無限鎖魂春水三分  
風一翦擺不定小腰身飛絮認前因萍花漾晚春料  
紅樓悄閉黃昏記得去年攀折處重檢點夢無痕

醉花陰

補竹

一抹煙痕吹不起，溼翠濛濛地。待到夜寒時，月影朦朧，化作瀟湘水。滿院秋光涼似洗，添了秋滋味。秋雨又秋風，一片秋心，付與秋聲裏。

好事近

庭院悄無人，只有紅襟私語。才到清明時節，便飛花飛絮。花痕絮影太無聊，驀到舊遊處。又是黃昏月上，問此情記否。

高陽臺

雲母窗同陶鳧薌作

薄翦雲寒圓修月小，嵌來一片瓏玲。舊日紅窗定有隔。



斷香塵折枝花好憑誰寫料冬閨纖手描成比晶簾偷  
看梳頭一樣分明 悶來笑把香絨吐乍朱脣敢處呵  
暖冰痕羅帕輕揩綺疏一色晶瑩銷魂不礙秋波轉漫  
遮來繡幕層層更多情翠羽低窺巧遞春聲

卜算子慢

送張亨甫出都

垂楊未老杜宇又啼惆悵暮雲千里殘醉初醒贏得一  
番離思寫新愁半在斜陽裏半付與鷗邊遠夢比他煙  
驛迢遞 夕露晨星地料一領青衫穀人憔悴六六文  
鱗定有舊情能寄亂蟬聲不盡流連意算只有一輪明  
月伴征人歸矣

壽樓春 茉莉

垂湘簾雙鉤乍移來瘦影瑤想生秋愛向雲鬢簪上玉  
人釵頭妝雅淡鄉溫柔傍枕函香風勾留聽素蕊初開  
檀心半孕攜到小紅樓花田種珠江游更芳籃掛徧  
畫舫揚州最是羅衣纔褪繡鞋剛兜紈扇冷紗窗幽正  
月痕娟娟欲流問清夢誰知三更蝶魂銷盡不

吳艾生

字平齋吳縣人道光二十  
一年進士官浙江候補道

浪淘沙

難續舊時歡珊網遺珊誰將薄倖舊盟寒萍散匆匆無  
限恨波浪連天風雨阻汀端未許行船新愁幾許感

春山淡墨書成無雁達和淚俱乾

汪

藻字鑑齋錢塘人道光二十一年進士官工部郎中有繡蝶庵詞

菩薩蠻

玉尖彈溼瑤琴露秋光欲向銀屏度閑坐綠窗前杯圓月共圓  
水沉香未歇心緒雲羅疊剛送雁南飛雁飛何日歸

虞美人

殘月有懷

延秋三五笙歌舫明鏡波心漾照儂把酒不曾停橫被西風吹得夢零星  
夢痕易醒醒還夢夢裏殘更動圓圓纔有幾多時早又一鉤鉤起萬相思

鵲橋仙 七夕

銀河耿耿金風瑟瑟蓮漏三更剛轉經年只此可憐宵  
悔多事當初一見 螢兒羅扇蛛封鈿盒癡絕針樓女  
伴要他早把聘錢償便替織鴛機也願

浣溪紗 臨山寓樓

驚定還驚畫角聲聲聲哀怨迸殘更子規早又叫荒城  
浪說貂裘容換酒不曾沉醉幾曾醒桓伊一笛爲誰  
橫

百字令

橫涇寓齋白秋海棠一叢楚楚可憐似有  
向人欲訴之意

蛩尋蝶抱乞秋陰一角涼痕似水別院嬌妝猶弄晚怎

說胭脂都洗月碎魂搖露零淚滴誰喚愁雲起閑拋就  
素玉兒風韻無比偏是碧鮮無情憑他狼籍多少愁  
根寄半冷吟懷應更淡不襲春風餘綺綠螳尊空紅蛾  
燭燼難把冰絲理何堪霜鬢斷腸人更憔悴

望湘人

舟中望虞山欲游未果昔與仲兄偕游有  
畫舫聯吟集今日風景不殊徒增蕭索耳

憶同攜米舫來喚笛興海虞山色看飽跡逝春潮句蕪  
夢草打疊相思多少不見何愁只愁重見愁眉難掃算  
那邊依舊空亭戀著荒城殘照蓬背秋光正好怎秋  
雲似我俗隨歸鳥再休問秋歸更比去年歸早池娥影  
滅洞仙踪杳料得三峯應笑畢竟是落葉無情又送湖

邊征棹

張金鏞

原名敦瞿字海門平湖人道光二十一年進士官編修有絳跼仙館詞

齊天樂

題湯雨生丈畫梅樓圖

紅紗閒拓東風冷春魂被誰呼起小朶霏瓊芳枝綴雪  
況有綠華仙子暗香盈袂待寫取嬋娟暖回纖指月淡  
樓深比肩人正翠屏倚夜闌供具紙筆記評量畫稿  
也饒高致粉澤輕搓墨痕濃染商略一枝連理別離容  
易問往日閑情料應拋棄夢到窗前著花知尙未  
百字令 俞君芝田繪弄猿婦寄慨索題是解  
漂搖身世把非非幻想心猿拴束裙帶西風蕭颯甚冷

笑瑤房金屋勝下王孫蘆中奇士漫作唐衢哭肩頭竊  
聽蓮花休唱哀曲誰惜繖繖雙趺華年蹀躞老卻人  
如玉也向天門彈綺瑟可奈淒同燕筑九轉丹慳三聲  
腸斷彫盡眉痕綠清商江濤暗催蓬鬢將禿

顧文彬

字子山元和人道光二十  
一年進士官甯紹台道

西溪子

日照畫梁烟暖蟲趁天絲飛軟卷犀帷菱鑑異秋月滿  
對鏡著衣人倩庭樹種相思鳳雙棲

喜團圓

中秋對月

瓊樓倚照珠房迎曉齊上簾鉤茫茫大地山河影望圓

滿金甌 天涯倦旅長安今夜耿耿鄉愁白堤桐屐秦  
淮桂棹曾照清遊

鷓鴣天

憔悴涼花耐曉看半簾殘月照無眠夢中訴恨瞞等雁  
愁外顰眉妒鏡鸞挑錦字研銀箋帕綃封淚寄長安  
西風一夜砧聲急翠袖鴛衾各自寒

感皇恩

括戴叔倫早春曲

昨夜又東風小樓春淺錦帳微聞曉鶯囀柳絲搖綠裊  
裊烟光難翦博山龍腦燼吹雲緩愁與漏長夢緣啼  
短鸞影羞從鏡中見朱顏衰易怎奈愛遊人遠天涯芳



草碧腸空斷

轆轤金井

露桃開謝繞頽垣鎮日綠珠門閉一夕西風換梧桐涼  
翠銀瓶墜水算此恨碧潭秋比寄語歌樓飄零柳七怨  
懷消綺沈沈甚古波不起恁脂痕粉跡還凝鵲淚玉  
虎霜寒澀牽絲纖指苔紅漫洗儘染徧浣花牋紙綆短  
愁長闌陰想像吹簫雙髻

長亭怨慢

秋驛

短長站一程程接喉館鉦寒戍樓旗裂遠雁棲煙暮鴉  
投樹趁人歇羸驂單僕磨盡了輪蹄鐵耄柳已無多儘

付與津亭攀折 淒絕望關山色死倦旅怕聞啼鴉淋  
鈴棧雨記曾瘞玉環羅襪最苦是月暗楓青有山鬼偷  
吹燈滅待寄贈梅花爭奈江南風雪

大有

秋味

雨苦蜚啼霜辛蛩咽併作成何限蕭槭况秋人心頭和  
淚攪入風餐露飲十分飽三分酸七分悽惻漫說嚼蠟  
年華涼時儘耐尋覓 桂攢蠹蓮抱葯舉似此情懷怕  
還未的咀徵含商只許夜燈知得薄酒澆胸無力多應  
是嗜愁成癖且敲枕借夢春前採花釀蜜

傾杯樂

秋醒

釀與愁增量隨歡減懨懨昨夜殘醉怯寒病骨生縑倦  
眼掩翠屏慵起等奴曾乞題紈扇恁瞢騰難記歌筵一  
霎誰念我斷夢帶醺猶膩卻累調羹纖手蛤蜊湯俊  
醅酤三分洗惹獨醒黃花西風簾捲笑吟魂憔悴茗苦  
頻澆橙霜微沁枯吻生詩味解嘲意拚後約拔釵休泥

王

拯

原名錫振字定甫馬平人道光二十一年進士官宗人府丞有茂陵秋雨詞

瑣窗寒

春雨

細草青回遙峰黛掩滿庭愁翳柔絲蕩緩不管蝶悵鶯  
悴護雲屏輕籠篆煙玉鑪溼透沈香穗想綺窗人悄一  
鉦挑盡夜燈紅蕊芳事誰料理奈露井宵寒慣啼妝

淚朝眠柳漸染帶顰新翠任東風吹去又來遠天漠漠渾似水算明朝深巷人家指賣花聲裏

菩薩蠻

玉驄繫在垂楊樹綠窗坐對紅燈語相見幾多時少年輕別離霜街愁馬滑虎帳圍金甲歸去卽秋風相思咫尺同

山花子

秋雨秋風塞草新亂峰秋色暮連營滿地蘆笳吹欲徧不堪聽雕羽夜鳴猶在戛錦條霜重未離鷹何日沙場真獵得海東青

祝英臺近

和稚香居士柘湖感遇之作

眼波明眉暈淡垂柳暗煙縷鎮日閒眠漠漠甚情緒無  
端燕子歸來雕梁昵語又颺起翠櫳輕絮斷腸句禁  
得縹緲驚鴻迎風屢回顧厭說相思還是怨嬌嫵也知  
人遠波空恨他啼鳥偏只道不如歸去

瑞鶴仙

夜過梁德如所居姚氏樓作

小樓深夜雨對茗鼎香鑪暫拋塵土相逢問何許數舊  
情空記斷歌零舞錦鞍繡袴恨匆匆玉顏非故聽統如  
戍鼓聲中能幾歲華如羽休誤牙旗畫捲鐵甲宵征  
捷書先赴危關試撫雲黯黯混江浦問前軍可有一池

鵝雁咫尺天山飛度待朝來北渚鴻歸數行寄與

摸魚兒

聽瀟瀟一窗癡雨江南春又將半夜來還是廉纖甚催  
落落紅如霰春不管任夢裏春人自惹愁零亂年華暗  
換是幾度傷春幾番中酒空賦玉階怨羅衾夢往事  
難乾淚眼鏡盟釵約誰見游驄踏倦天涯路忍聽鷓鴣  
頻喚風影暗恨冷落瑤笙誤了西園宴林鶯渡斷剛曉  
色啼開海棠枝上簾幙又催晚

楊裕仁

字翼堂華亭人道光二十一年進士官婺源知縣

長亭怨慢

答張偉甫見懷卽次其韻

猶記否故鄉來去買醉新豐杏花春雨最是離情伊人  
踪跡隔煙渚昨宵風利聽歌徹黃金縷一笑乍相逢先  
索我記遊詩句 延仁小樓紅近水此是客中佳處波  
心遙指指橋畔吳艤萍聚況今番約略杭州從天竺方  
尋歸路試兩境評量霜管重貽片羽

勒方綺

字少仲新建人道光二十三年  
舉人官福建巡撫有樽州詞

點絳脣

一片冰蟾夜深光照梅花底畫闌閒倚驚覺棲鴉起

歸掩書齋細領愁中味移燈睡峭寒孤被夢醒人千里

菩薩蠻

暗風蕭瑟搖窗紙殘燈暈落新愁起吹得雨聲寒雁聲  
空外酸尋思愁底許歷亂無頭緒一枕抱秋眠夢痕  
涼化煙

謝池春

春望

靜掩柴門不覺麗春如許便催成花飛絮舞遙憐芳草  
徧沙汀煙渚種愁根舊痕迷路蓀櫓桂漿曾記賦情  
南浦望天涯鄉心最苦東風搖暝送鶉聲淒楚怕歸來  
又聽宵雨

浪淘沙

邗上感懷

碧水帶雲流冷淡成秋酒旗歌板悵英遊記得杏花香



霧裏曾艤蘭舟 鱗石古灣頭鐘磬空樓舊盟何處問  
沙鷗十里煙蕪千步柳都是春愁

柳梢青

最是難聽夜深風雨吹滿空城作意添愁闌回春夢攙  
入秋聲 梵窗曾得寒輕數徧了疎鐘斷鈴中歲光陰  
異鄉情味孤枕殘燈

蝶戀花

客裏蕭條過禊節柳絮梨花飄散晴天雪多少思量無  
處說東風不解心頭結 夜聽剗壺春漏咽孤似帷燈  
冷似窗前月茗椀停斟香篆歇輕衾一幅愁千疊

醉花陰

湖上長堤煙壓樹暝色催津鼓水濶雁聲寒喚起離人  
夢落荒洲渡秋來已是添愁緒更向天涯去爭得不  
淒涼一陣西風一陣蘆花雨

水龍吟

峭風飄散歌雲短帆暮落鴛鴦浦嵐陰萬疊浪紋千頃  
秋連吳楚暖袖棲香涼篷消酒一回凝伫望蘆花月白  
蓼花煙紫分明是愁生處羈泊誰憐客路又驚人驛  
亭笳鼓思量舊跡墜鞭彈劒年光迅羽別思迷茫歸心  
縈繞合成悽苦怕橫吹鐵笛天空水閣喚魚龍舞

金縷曲

和胡佛生同年泰州客次見寄之作

寂寞蘆花渡，逗孤帆、閒聽戍笛倚窗延伫。綠雪蒼霞迷  
水縠，染出吟愁萬縷。回首望江城，天暮賸有輕煙樓畔。  
月向征人照見，相思苦，離別意黯分付。清狂更憶樊  
川杜，寫幽懷、魚綾雁帛，報書何許。鶴背高寒騎不得，遙  
倩迴風細語。怕總是、關河羈旅。想得漁鄉秋雨夜，對疏  
燈重和蘋洲譜。尊酒約竹西路。

潘曾綬

字絳庭，吳縣人。道光二十三年舉人，官內閣侍讀。有睡香花室詞。

卜算子

悶掩雀屏寒，愁壓鴛衾皺。昨夜星辰昨夜風，人比梅花

瘦 細雨打紗窗又是清明候夢醒窗前聽畫眉香意  
眉尖逗

天門謠

題楊伯夔大令詞

字字啼鵲血記曾把香牋親疊銀簫咽徧江南煙月  
年少日芳心題繡袷白髮淒涼誰與說春已歇問舊恨  
楊花如雪

步蟾宮

晚雨初過步月花閒隔院笛聲微動秋思

誰家弄笛聲幽咽正雨過門墻清絕聲聲吹到舊時愁  
更吹出舊時明月 碧荷花朶新堪折又茉莉叢香如  
雪芳蘭箭箭是秋心想江上玉龍吹裂

紅娘子

淚

滴了梨花碎添了桃花媚鴛枕先知鸞巾易浣爲郎憔悴便如珠顆顆好穿成怕長途難寄縱把珠來寄怎把愁來洗強熨眉尖咽從心上倒流腸裏問風前銀蠟替誰彈也心心灰矣

月華清

花半開時月初圓後箇人三五年紀才識春愁便把秋心催起道秋來蟋蟀聲中似春去杜鵑聲裏難睡看花光如夢月光如淚下了簾鉤獨自獨自繞銀屏一燈殘穗記起濃歡閒煞鳳幃鴛被惱者番雁字全虛悔那

日鯉函空寄憔悴又三更風雨月沈花碎

百字令

蘆花和查又山待御

四無人處慣蕭蕭瑟瑟做出秋聲秋士從來頭易白相  
看那兔心驚涼纖輕雲碎搖疎雨低撲水盈盈丹楓何  
意錦衣偏詔新晴 猶記野館聽潮江亭踏月客思正  
懸旌一片西風來太急倚闌渺渺愁生夢雪鷗邊尋秋  
雁外難踐老漁盟夜寒揉絮釣船燈火分明

喜遷鶯

一燈如豆正薄衾新展九秋時候楊柳煙疎芭蕉雨細  
獨自淒然回首殘夢竹風敲斷珠淚枕雲溼透背人坐

又曉來擁髻光陰輕負黃葉蕭條處望遠登高隱隱  
排層岫小院孤清瑣窗深靜人與菊花分瘦愁對團圓  
明月冷聽淒涼玉漏訴心事見妝樓雁過素書來否

張曜孫

字仲遠陽湖人道光二十  
三年舉人官湖北知府

踏莎行

一度花開一番風換落紅吹徧閒庭院流鶯不解惜芳  
菲飛飛頻觸金鈴顫摘阮心慵簌錢意嬾慙慙長晝  
如何遣無言獨倚玉闌干看他似雪楊花捲

疎影

芭蕉

紅闌半隔看橫披俏影愁怯無力晝寢何人深院濃陰

薔薇豔映新碧芳心一片重重捲似怕露中藏消息卻  
爲誰暗折東風枉費護函緘密 曾記供書作紙那時  
有小角留補窗隙乍聽牆邊冷雨秋聲好夢驚回頻滴  
纔經落盡梧桐後又賸此宵來淒切到恁時再看寒池  
畫出綠天雪積

陳

松

字蕊文順德人道  
光二十三年舉人

傳言玉女

倪耘劬泛棹珠江繪圖索詞賦此奉題

放浪溪山已辦棕鞋桐笠更呼夜槳趁西風時節長嘯  
臨風想見襟期清絕東來孤鶴可還相識 忽憶前宵  
泊輕舟遲曉發更深夢醒聽歌聲雲過十里珠江花影



波光潋潋歡筵紅燭短篷涼月

黃增祿

字穀卿吳江人道光二十三年舉人有拜石詞

浪淘沙

題天寒倚竹畫冊

慵唱女兒箱秋老瀟湘一番徙倚一思量  
偎玉誰教添半臂怕冷殘陽  
獨自轉回腸閒立昏黃莫輕彈淚溼  
衣裳製作扇兜裁作笛還要淒涼

百字令

憶西湖舊遊

迷離烟雨指湖山暢好故鄉無此別  
後鶯花誰管領贏得相思難已塔影欹紅柳  
絲漾碧約畧圖中記星星春色落英飛墮  
懷裏遙想葛嶺亭臺南園泉石都付滄

桑矣桂馥荷香猶似舊畫舫於今有幾且任清遊重期  
後約莫道銷金易淡妝濃抹只應常比西子

陳良玉

字朗山番禺人鐵嶺籍道光二十年  
舉人官通州學正有虞苑東齋詞

阮郎歸

倪耘劬囑題花陰寫夢圖

辛夷如雪過花朝夜香心字燒花陰人坐可憐宵教誰  
吹玉簫 音嫋嫋思迢迢月眉新樣描舊家門巷隔紅  
橋夢痕消未消

水龍吟

南唐小周后圖

釣絲量去長江粉綃牘展春風面南唐近事有人彈淚  
共伊傳怨碧透衣羅識成天水悵題宮扇祇銷魂密約

提鞵剗襪悽涼早歡娛晚 寂寞昭陽深殿殉珠胎夢  
拋銅輦花遮柳映月教星替那回相見不及泉臺可憐  
飄泊尙同雙燕想張仙畫得青城蜀魄更啼痕斷

繞佛閣 菩提紗

葉雲一片層疊織就冰彩霞絢明鏡臺畔幾時掃斷根  
塵淨鬢現井華涼浣纖翳絕少蟬翼初展天女花散記  
曾親把銖衣細分翦 瑩薄訝無質入手琉璃擎更軟  
紈綺強呼前身猶未換笑粉壁輕籠詩好誰看試嵌櫺  
眼待紙襯青蠅妙寫羅漢趁元宵共珠燈燦鐵嶺董茂  
泰工人物  
以菩提紗一葉寫十六應真像曾進御  
又粵東燈市有菩提紗燈製特精巧

疎影

苔痕

迴廊靜處看蘚痕欲活幽意如許似淡還濃溼翠迷濛  
養足連朝新雨土花漠漠牆腰暗暈碧唾蝸涎剛吐卻  
瀉來滿地涼雲幾葉井桐初乳長是空齋未到便遙  
引草色偷上階礎徑滑泥黏鞋印弓弓曾憶箇人微步  
繁華夢歇青春換怕繡遍獸環朱戶抵冷烟多少湘筠  
一半淚斑凝聚

百字令

百子蓮狀如水仙而大五六月作花一莖數十朵紺青色近始來自洋舶

海天瑤種愛水芝名字誰呼新樣紺髻螺青分一色別  
浦妙蓮華相鸞翅斜抽犀株側挺浴透水蟾漾素蕢端

正密苞攢蕊齊放 還倩狀補嵇含峰頭玉井標格應  
無兩依約晶屏人去後碧唾纖痕吹上月白風清瑤階  
似水空作淩波想珠娘髻朶藕絲衫子微颺

齊天樂

蛙

綠陰青草池塘路聽來亂聲初沸荷外嘈嘈萍邊閣閣  
一片斜陽如水勞伊鼓吹是兩部繁音滿園新霽依舊  
黃昏小池跳雨月明裏 荒溝曾占幾許便官私合訴  
應喚多事蘚砌吟蟲秧田吠蛤併作夜涼幽思連番倦  
耳怕慣惱詩腸不成清寐聒遍殘更曉蟬嘶又起

憶舊游

訪昌華故址

望菱塘忽斷藕港纔通葭葦黏天迤邐郊西路是劉郎  
行樂舊日山川欲尋故宮遺址觸目總茫然漫鏡殿嬉  
春銅溝漲膩花塢藏妍 流連狎遊處記宴敞紅雲香  
捧金仙一自降王去悵荆榛臺榭塵土釵鈿祇留月華  
如雪吹滿素馨田莫浪說銷魂宜和良嶽還可憐

摸魚兒

將之雷州古樵賦是調送行悵然和之

問天涯月明多少催入偏慣羈旅商量不及秋來燕未  
到社前先去情最苦是水驛山程亂後餘荒戍歸期漫  
數早荳蔻花殘鷓鴣聲急底事再分付 經年別纔共  
高陽伴侶驪歌又悵重賦祇憐明日西江上看遍晚峯

眉嫵君記取是短榻長檠歲宴成淒楚相思定否但海  
霧昏天瘴雲壓夢知我斷腸處

國朝詞綜補正卷四十五